



Pelajar Antarabangsa UPM Pamer Keunikan Budaya



Timbalan Naib Canselor (Akademik dan Antarabangsa) UPM, Prof. Datin Paduka Dr. Aini Ideris (dua dari kiri) bergambar bersama pelajar antarabangsa dengan baju traditional masing-masing.

SERDANG, 10 Disember– Seramai 1,500 pengunjung International Cultural Show and Family Interaction Night Universiti Putra Malaysia (UPM) terhibur melihat keunikan persembahan kebudayaan oleh pelajar-pelajar antarabangsa UPM.

Majlis anjuran International Students Association (UPMISA) dengan kerjasama Pusat Antarabangsa UPM itu disajikan dengan lapan persembahan pelajar dari Yemen, Indonesia, Iraq, Pakistan, Saudi Arabia, Vietnam, Iran dan Malaysia.



Pelajar Vietnam membuat persembahan tarian bertajuk 'Vietnam, my homeland'.

Presiden UPMISA, Hafeez Babar berkata program itu menggalakkan aktiviti interaksi kebudayaan di dalam UPM dan mengeratkan hubungan pelajar tempatan dan antarabangsa.

"Majlis bertemakan 'Unity in Diversity' ini juga bertujuan merapatkan silaturrahim pelajar antarabangsa dan keluarga masing-masing," katanya.

Majlis yang dihadiri Naib Canselor UPM, Prof. Tan Sri Datuk Dr. Nik Mustapha R. Abdullah, Timbalan Naib Canselor (Akademik dan Antarabangsa) UPM, Prof. Datin Paduka Dr. Aini Ideris, Duta Besar dari Pakistan, Iraq dan Iran itu turut dimeriahkan dengan persembahan tarian dan lagu irama tradisional Melayu.



Persembahan unik daripada pelajar Saudi Arabia.

“Malam persembahan kebudayaan ini merupakan aktiviti tahunan di mana kami akan menunjukkan persembahan yang terbaik untuk menaikkan nama UPM di mata dunia pada setiap tahun,” kata pelajar daripada Pakistan ini.

Majlis dihadiri Naib Canselor UPM, Prof. Tan Sri Datuk Dr. Nik Mustapha R. Abdullah, Timbalan Naib Canselor (Akademik dan Antarabangsa) UPM, Prof. Datin Paduka Dr. Aini Ideris, Duta daripada negara Pakistan, Iraq dan juga Iran itu turut dimeriahkan dengan persembahan dari tarian dan lagu irama tradisional Melayu.



Tarian lagu tradisional warna-warni daripada pelajar Indonesia.

Kemuncak majlis yang diadakan di Dewan Besar UPM itu ialah upacara perkahwinan tradisi masyarakat Iraq yang dilakukan oleh pengantin perempuan Fatheen Nabila Ghazali, finalis Gadis Melayu yang juga pelajar UPM.



Fatheen, finalis Gadis Melayu Musim Ketiga (dua dari kiri) 'dikahwinkan' bersama pelajar Arab dalam persembahan daripada pelajar Iraq.

Berita ditulis oleh Seksyen Media Bahagian Komunikasi Korporat (Mohd Faisal Md Noor 03-89467467), Gambar disumbangkan oleh Unit Foto BKK 03-89466199).